

ԱՂԱՏԱԳՐՎԱԾ ՄԻՏՔ

ԲԱՆԱԼԻ ՀԱՄԱՐ. ՀՈ.12:1-2

1 Արդ Աստծու ողորմածությամբ աղաչում եմ ձեզ, եղբայրներ, որ ձեր մարմինները մատուցեք կենդանի զոհ՝ սուրբ և աստվածահաճո. դա է ձեր հոգևոր պաշտամունքը: 2 Եվ մի՛ կերպարանվեք այս աշխարհի կերպարանքով, այլ վերափոխվեք ձեր մտքի նորոգությամբ, որպեսզի դուք քննեք Աստծու կամքը, թե որն է բարին, հաճելին ու կատարյալը:

- **Երկու շատ կարևոր բան է տեղի ունենում, երբ դու ապրում ես քո մտքի նորոգությամբ:**

1. Ձեր սերն ու երկրպագությունը Հիսուսի հանդեպ դառնում են իրական:

Ղուկաս 10:27 – Նա պատասխանեց և ասաց. Պիտի սիրես քո Տեր Աստծուն քո ամբողջ սրտով, քո ամբողջ հոգով, քո ամբողջ զորությամբ ու քո ամբողջ մտքով (Բ Օր. 6.5) և քո մերձավորին, ինչպես քո անձը (Ղևտ. 19.18):

2. Ինչ է Աստծո կամքը իմ կյանքի համար:

Հռ. 8:28-29 – 28 Բայց գիտենք, որ ամեն ինչ գործակից է լինում նրանց բարիքի համար, ովքեր սիրում են Աստծուն և կանչված են նրա կամքով: 29 Որովհետև նրանց, ում սկզբում ճանաչեց, նախասահմանեց կերպարանակից լինել իր Որդու պատկերին, որպեսզի նա անդրանիկը լինի բազում եղբայրների մեջ: 30 Եվ որոնց նախասահմանեց, նրանց նաև կանչեց, որոնց որ կանչեց, նրանց նաև արդարացրեց, իսկ որոնց արդարացրեց, նրանց նաև փառավորեց:

Metamorphoō 4x – Փոխվել մեկ այլ ձևի, փոխակերպվել, կերպարանափոխվել:

Մատթեոս 17:2 – Եվ նրանց առաջ այլակերպվեց. նրա դեմքն արեգակի պես փայլեց, իսկ զգեստները լույսի պես սպիտակ դարձան:

2 Կոր. 3:18 - Բայց մենք ամենս՝ բաց երեսով Տիրոջ փառքն ինչպես հայելու մէջ տեսնելով՝ նոյն պատկերի նման կերպարանափոխվում ենք փառքից դէպի փառք, ինչպես թէ Տիրոջ Հոգուց:

- **Աստծո կամքը քո կյանքի համար այն է, որ վերափոխվեք Հիսուսի պատկերի պես:**

I. ՄԻՏՔԸ ՉԱՐԻ ՈՒ ԲԱՐՈՒ ՀԻՄՆԱԿԱՆ ՄԱՐՏԱԴԱՇՏՆ Է:

Հռ. 8:5-6 - 5 Որովհետև մարմնաուր լինողները մարմնի բաներն են մտածում. իսկ հոգեուր լինողները՝ հոգու բաները: 6 Որովհետև մարմնի խորհուրդը մահ է. եւ հոգու խորհուրդը՝ կեանք եւ խաղաղություն:

- Մարդը կարող է օրական մոտ 60,000 մտքեր ունենալ, և դրանց 90%-ը կրկնվող են:
- Տարեկան քսաներկու միլիոն մտքեր, և ահա թե որքան որոշում ենք մենք ընդունում տարեկան:

- Մեր մտքերի 75%-ը բացասական են:
 - Ցանկացած միտք որը գերի չենք բռնում, այն մեզ գերի կբռնի:

Բ Կոր. 10.3-5 – 3 թէպէտեւ մարմնի մէջ ենք ապրում, բայց մարմնատրապէս չենք զինվորություն անում: 4 Որովհետեւ մեր զինվորության զէնքերը մարմնավոր չեն, այլ Աստուծով զօրավոր, բերդեր, ամրություններ, բարձրությունե, քանդելու. խորհուրդներ ենք քանդում, 5 Եւ ամեն բարձրություն` որ գոռոզանում է Աստուծո գիտության դէմ. եւ գերի ենք բռնում ամեն միտք Քրիստոսին **հնազանդեցնելու** համար:

Հակ. 4:7 - 7 Արդ **հնազանդեցէք** Աստուծուն, հակառակ կացէք սատանային, եւ նա կ'փախչի ձեզանից:
 - **Կապանքը** – չնորոգված մտքերի բնակավայրն է:
 - Ամեն մի մտքի դիմաց պետք է ճշմարտությունը խոսել:

Հովհաննես 8:32 – Կճանաչեք ճշմարտությունը, և ճշմարտությունը կազատի ձեզ:
- **Մենք սատանայի դեմ պայքարում ենք Աստծո ճշմարտությունով, իսկ ճշմարտության աղբյուրն Աստվածաշունչն է:**

Եփ. 6:17 – Եւ փրկության սաղավարտն առէք, եւ **Հոգու սուրը` որ Աստուծոյ խօսքն է:**
- **Դժվար է հավատալ այն զենքերին որոնք անտեսանելի են:**

Եբր. 4:12 - 12 Որովհետեւ Աստուծո խօսքը կենդանի է եւ զօրավոր եւ ամեն երկասյրի սուրից ավելի կտրուկ է, եւ թափանցում է մինչեւ շունչի եւ ոգու եւ հօդաածների եւ ծուծի բաժանվելը. եւ քննող է սրտի մտքերը եւ խորհուրդները:

II. ԹՈՒՅԼ ՄԻ ՏԿԵՔ, ՈՐ ԹՇՆԱՄԻՆ ԿԱՍԿԱԾԻ ՍԵՐՄԵՐ ՑԱՆԻ ՁԵՐ ՄՏՔՈՒՄ:

Ծննդ. 3:1-6 - 1 Եւ օձը ասելի խորամանկ էր քան թէ դաշտի բոլոր գազանները, որ Եհովայ Աստուածն ստեղծել էր. Եւ կնոջն ասեց. Իրա՞ն Աստուած ասեց, որ Պարտէզի ոչ մի ծառիցը չուտէք: 2 Եւ կինն ասեց օձին. Պարտէզի ծառերի պտղիցն ուտում ենք. 3 Բայց այն ծառի պտղիցը որ պարտէզի մէջտեղն է, Աստուած ասեց, Մի ուտէք նորանից, եւ նորան մի դպչիք, որ չմեռնիք: 4 Եւ օձը կնոջն ասեց, Բնաւ չէք մեռնիլ: 5 Այլ Աստուած գիտէ, թէ այն օրը որ նորանից ուտէք, ձեր աչքերը կբացուին, եւ Աստուծոյ պէս կլինիք` բարին եւ չարը գիտացող:

6 Եւ կինը **տեսաւ**, որ ծառը լաւ էր ուտելու համար, եւ թէ **հաճելի էր աչքերին**, եւ փափաքելի է ծառը նայելու համար, առաւ նորա պտղիցը եւ կերաւ, եւ իր հետ իր մարդին էլ տուաւ, եւ նա կերաւ:

Թվոց 13:33-34 – Եվ նրանք իրենց հետախուզած երկրի մասին վատ լուրեր հաղորդեցին Իսրայելի որդիներին` ասելով. «Այն երկիրը, որի միջով անցանք հետախուզելու համար, իր բնակիչներին ուտող երկիր է: Նրա բոլոր բնակիչները, որ մենք տեսանք, բարձրահասակ մարդիկ են: Այնտեղ տեսանք հսկաներին` Ենակի որդիներին, որոնք հսկաներից են. **այնպես որ մենք մեր աչքին, ինչպես և նրանց աչքին մորեխների պես էինք**»:

- **Խնդիրը ոչ թե վախն է, դեպրեսիան, կիրքը, բարկությունը, քո կախյալությունը, քո անցյալը կամ _____, այլ քո մտածելակերպը դրա մասին:**

III. ԱՍՏՈՒ ԽՈՍՔԻ ՎՐԱ ՄՏԱԾԵԼԸ ՄԻ ԳՈՐԾԸՆԹԱՑ Է, ՈՐՈՎ ՀԱՂԹՈՒՄ ԵՆՔ ՊԱՏԵՐԱԶՄԸ:

- **Ահա թե ինչի վրա կարող ենք կենտրոնացնել մեր միտքը:**

Կող. 3:1-2 – Արդ եթե Քրիստոսի հետ հարություն առաք, ապա փնտրե՞ք այն, ինչ վերևում է, որտեղ Քրիստոսն է՝ Աստծու աջ կողմում նստած: Վերևում եղած բաների մասին՝ մտածեք և ոչ թե այն, ինչ երկրի վրա է:

Փիլիպպեցիս 4:8 – Այսուհետև, եղբայրներ, ինչ որ ձշմարիտ է, ինչ որ պարկեշտ, ինչ որ արդար, ինչ որ անարատ, ինչ որ սիրելի, ինչ որ բարեհամբավ, առաքինի և գովելի, այն մտածեք:

ԻՆՉ Է ԱՍՈՒՄ ՍՈՒՐԲ ՀՈԳԻՆ ՔԵՉ ԱՅՍ ՊԱՏԳԱՄԻ ՄԻՋՈՑՈՎ